
Ўзбекистонда ёшларнинг етакчи хорижий университетларида ўқишини молиялаштирадиган жамғарма таъсис этилди

Адлия вазирлиги “Шарқ Истеъдодлари” жамоат фонди ва “Иқтидорли болалар” Халқаро инновацион жамоат бирлашмасини давлат рўйхатидан ўтказди. Вазирликнинг маълум қилинишича, “Шарқ Истеъдодлари” жамоат фонди юртимиздаги истеъдодли ёшларини қўллаб-қувватлаш, илмий, техникавий, ижтимоий, гуманитар, санъат, иқтисодий ва мамлакатнинг ривожига ҳисса қўшаётган йўналишларда изланиш ва тадқиқотлар олиб боришда уларни молиявий ёки моддий қўллаб-қувватлайди. Фонд ёшларга дунёнинг етакчи университетларида таълим олиши учун грантлар ажратади. “Иқтидорли болалар” Халқаро инновацион жамоат бирлашмасининг вазифаси болалар ва ёшларни ҳар томонлама ривожланишлари учун шароитлар яратиш, уларнинг жисмоний ва ижодий имкониятларини рўёбга чиқаришдан иборат. Бирлашма шахсни ватанпарварлик, умуммиллий ва умумбашарий қадриятлар асосида шакллантириш, илмий-техникавий тараққиёт ва тадбиркорлик фаолиятини ривожлантиришга кўмаклашади.

Манба: ЎзА

2017-12-25 17:23:58